



Communicaziun a las medias

Dal lontan el Grischun

Cuirà, ils 19-06-2017 – **Daco abitan persunas en il Grischun? Cler, per bliers è il Grischun la patria. En il Grischun vivan dentant era 44'000 persunas ch'han chattà qua in nov dachasa. Persunas ch'èn vegnidas dal lontan en il Grischun. Radiotelevisiun Svizra Rumantscha (RTR) raquinta lur istorgias e tschertga persunas ch'èn naschidas en ina terra estra che abitan oz en il Grischun.**

Tge ha manà questas persunas en il Grischun? Han ellas chattà qua in job, ha l'amur manà ellas en il Grischun u ha la cuntrada fascinà? Forsa èn ellas era – per in motiv u l'auter – stadas sfurzadas da bandunar lur patria. RTR na vul betg mo vegnir a savair pertge ch'ellas èn vegnidas en il Grischun, mabain era tge tradiziuns ch'ellas tgiran, tge differenzas ch'i dat tranter las culturas e tge temas che pon procurar per rumpatestas. RTR vul mussar co ch'il Grischun tuna oz. I n'è dentant nagina cundiziun da discurrer rumantsch u tudestg per pudair sa participar al project.

Di d'acziun tar RTR

Ils 21 da zercladur organisescha RTR in di d'acziun. Persunas ch'èn vegnidas dal lontan en il Grischun pon s'annunziar quest di tar RTR per telefon (081 255 79 00) u via internet sin rtr.ch/lontan. Auditoras ed auditurs ch'enconuschan insatgi ch'è naschì a l'ester e che viva uss qua, pon era annunziar questas persunas gia ussa sin rtr.ch/lontan. I dat la schanza da gudagnar in bon da viadi en la valur da 1'000 francs.

Dapli infurmaziuns:

Radiotelevisiun Svizra Rumantscha, Via da Masans 2, 7000 Chur
Tamara Deflorin, Leiterin Kommunikation, Tel. 081 255 75 09, tamara.deflorin@rtr.ch